



21963

III

Max. St. Dr.

P


Max. Franc.

*Vandomiriensis Coll. S. J. Aries heroibus
instructissima*

PANEG. et VITAE

Polon. Fol.

N^o 891.



A C I E S

HEROIBUS, COGNATIS ARMIS,
MERITIS, HONORIBUS, INGENIIS,
Instructissima

IN UNA AVITI FERRI ACIE

Illustrissimi & Excellentissimi

D O M I N I

D. MAXIMILIANI
FRANCISCI

Comitis à Tenczyn

OSSOLINSKI

CURIAE REGNI THESAURARII

C A P I T A N E I

SANDOMIRIENSIS, CHMIELNICENSIS &c.

In triumphali Præfecturæ aditu

A Militante Honoribus suis Societate JESU Collegii Sandomiriensis

ad Patriæ tutelam, terrorem hostium

P R O D U C T A.

S A N D O M I R I Æ,

Typis Collegii Societatis JESU. Anno. 1721.

a.

R. D. Maliszewski.



Castra vocet tot strictas Jure Secures. Lucas

Hos penes æquitas
Et septa Tuscis jura Securibus
Stipantur; annosæque leges,
Et niveum sinè cæde Justum. Sarbievius

Illustrissime Excellentissime DOMINE.

IN Arcem Honoris pro vecto, aciem oppo-
nimus, sed federatam. Aciem enim quan-
dam componit plenā omnium & consona in
Te affectuum conspiratio; certant exserti ex
sincero plausus; candidus populorum amor assentationem exterminat;
effundit se obvia certatim Nobilitas, Dignitate Tua, ceu suis
felicitatibus cumulatum gestiens; plebs ipsa simulandi animi rudis
& exundantia viis municipia, avaram oculorum aciem in Te unam
colligunt, Te unum cupiunt, quasi dimicatura, nisi Te delibaverint.
Tui enim occursus sereno ē tumulis ærumnarum erigi attolliq; se
sentiant. Jam verò Castrum & mœnia, & tecta solitudine squalentia,
quasi admotā sibi acie, commoveri mihi videntur, & diducta
ruinis latera amplius distendere, ut apertum faciant, quantis
erga Te hiabant desideriis, ut totidem quasi Thebarum Portis
Te invitent; ut saxa etiam intelligant, in Te uno præsidium
adesse omni munitione fortius, murali coronā præstabilius, Sparthana
virtute robustius, qui vallum hosti objicis formidabile, Te ipsum,
cui pectus indomitum pro muro, dexteritas gladii pro arce est.
Neq; tumultuaria hæc acies est, tanti conatus, tanta studia, tam
immodicus erga Te Sandomiriensis Provinciæ cultus. OSSOLIN-
SCIUS Præfecturam adit! Nomen Orbe universo & antiquis-
simis ætatibus laudatissimum, sed isti Palatinatui, istis sedibus, isto-
rum, qui Te comitantur, Sanguini & gloriæ à Lucina insitum.
Hic summos Fasces, Palatinas Purpuras, summā rerum arbitria,
hic ipsa, si quæ iniri possunt, claritudinis exordia, & primam
meritorum messem, cui vectigalis Honor est, possedistis. Cupidis
ostentamus Exteris Ducatum illum Ossolin, Vestri Generis Ca-
strum; agnoscunt illi & prono delibant cultu adorandæ gloriæ
Domicilium, designant Commentariis locum quem cuncta requi-
rant secula, quem veniens hospes Romanus adoret.
Auctum igitur pulcherrimis Honorum insignibus, Regiæ gazæ
clavi

clavi aureâ cumulatum, & sublimiorum in Republica munerum expectatione majorem, Maximorum olim DUCUM OSSOLIN-SCIORUM Nepotem, quôd Te Sandomiriensia Sidera, quasi postliminio reducem, suis Arcibus Gubernatorem, legum Justitiæ Arbitrum, Judiciariæ Potestatis Pro-Regem recipiant; tam ingens, tam inusitata omnium Fortuna est; ut hodie, ad candidissimæ diei pompam, nec cælum, nec solem desiderent. Tota nobis ex occurssu Tuo affulget serenitas, tota lucis ex Trabea usurpatio, totus ex animis, accessione honoris Tui penè insolenter erumpentibus, meridies. Diem certè populis intendit Avitus Vester Starzà, novi fulgoris acie splendidissimum.

Redire enim Tecum existimat illos annorum soles Palatina Nobilitas, quibus OSSOLINII in Castris, iidem in Tribunalibus, iidem in Curia, iidem in consertissimis Provinciarum Comitibus, publicæ rei tranquillitatem provehebant feliciter, sanctionum placita moderabantur sanctissime, Religionis Majestatem asserebant heroicè, privata omnium commoda tractabant integerrimè, omni demum ingenii acie vindicabant Patriam celerrimè. Habes Illustrissime panegyrim, non calamis concinnatam, sed universi Palatinatûs gratulatione, omnium votis in Te effusam. Nec ideo studia in Te nostra repuleris. Adornat Aciem Honori Tuo militatura Societas Jesu; omnem literariam Classẽ in suppetias grati animi euocat, ne penitus Vestris beneficiis victi, & obruti esse videamur. Alibi sumptuosam Templorum molem & porrecta cælo culmina posuisti Societati; ut splendida Ædium supercilia pretium scientiarum attollerent, vestram verò in nos munificentiam loquerentur etiam marmora; alibi, ab infestis Malevolorum aculeis, vestrà eloquentiã, Vestri Nominis Clypeo vindicatam, servatam, esse voluisti. Quæ igitur vel Tulliana Svada tot gratiarum reos defenderet, nisi Armorum Vestrorum aciem præstò habeant ingenia? Corusca vis Ascici quidquid acutum in disertiore calamo est, expolit, ut, si quid vibrantius, si quid tersius Orator attulerit, OSSOLINIANUM sit. Jam auspiciis Tuis communita Acies, in cælum etiam assultum parat. Dabunt victas manus votivæ contentioni nostræ Superi, ut Tuam Illustrissime juratam Justitiæ manum signatoris coronent gemmis, scipionibus Regni elevent, purpuratis præmiis exerceant, donec totam honorum, triumphorumq; aciem in Te congesserint.

Ita vovet

Tuo Nomini devotissimum
Collegium Sandomiriense, Societas JESU.

Quid Fabios, aciem consanguinitate ligatam,
Sexcentosq; Viros unius Stemmata gentis
Roma canis? Majore manu, numeroq; Sagoque,
Crevit OSOLINII Lechicis Gens Tænia Regnis.

Nullus ab his sibi parcat Honor; viruere trecentis
Bellonæ spoliis; rutili sed fulgura ferri
Mentis habent aciem; facundia limat acumen,
Promptior ancipiti decernere justa metallo.

Hi Proceres animam inspirant ferroque, Togæque,
Inquæ decus Patriæ linguâ poliuntur & ense
Ingenii celeres acie vel summa potiri.

Principibus, Ducibusq; suis Hos Roma cooptat,
Impressitq; Mithram, magnæ redimicula menti;
Iustitiæ sed enim rigidas proventus ad aras
STARZA tuendarum legum splendet ab usu.

Lechia, si quid habes fulvo pretiosius auro,
Huc age, victrici sac præmia cede Securi,
Quæ Sandomirii nunc est Jubar Ascia Castri,
Appropinquat solius, par est radiare Senatu.



Num Te, ILLUSTRIS-
SIME THESAURARIE,
in argumentum poscebat O-
ratio, Tu integram laudan-
dorum aciem porrexisti; ut
primâ sui fronte ingenia lau-
dantium, quantumvis totâ Pallade armen-
tur, frangat & triumphet. Neq; enim
vibrantiori cuiquam stylo par audacia est,
quin pedem referat, ubi fulgurantis Ascia si-

B

gna,

gna, & sub his, grandē Heroum, grandē Senatoriaē maiestatis manum incurrerit. Ipso numero, ipsa Virtutum coruscatione percenferi arduā, robusti cuiusvis ingenii obtunditur impetus; ut, vincentibus delectum narrandorum copiis, desperatā acie, penē receptui canat Eloquentia, nisi quēcunq; tandem dictionis florem rapiat, ut herbam succumbendo porrigat. **OSSOLINII**, triumphis Hostem, æmulas acies comitate, Poloniae æraria meritis, præclare gestis laudatorem obruitis.

Quid? num ideo Ægidem Pallas abjiciet, aut Rostra Tullius? Aquilarum Poloniae desertor sit, quisquis **OSSOLINSCIORUM** Honoribus non ex viribus militat. Ibit sub aciem, tantum non sub hastam, auctorata Vestro Nomini Svada; crebrius attrectabit acutum fulgur Asciae, ut toties vinci se fateatur.

Non ego tamen Illustrissimorum Proavorum Castra primā velitatione provocare audeo. Ingentem mihi Tu solus facis numerum; quid Tanti? quid Viri illi? quorum Fama ingens decurrit Orbem, rerum gestarum Fasti omnem ætatem erudiunt, meritorum præmia sideribus facem rapiunt. Illa erat Poloni nominis magnitudo, ut latè proferentis se Regni moderamina, nisi in plures devolverentur, sibi mole sua officerent: Itaque Regiminis summa, post **VANDAM**, duodecim lectissimis Palatinis imposita, ut, multiplici columine firmata Patria, nullo Fortunæ saltu verteretur.

Hic

Hic Genus Tuum circumspice *ILLUS-
TRISSIME THESAURARIE*. Canus
jam tum immortalī nomine, nec Lecho re-
centior *STARZA*, sed idem infinitis laureis
virentissimus, in illa duodecim Regnantū ^{Paproc.}
corona enituit Princeps, non ut summorum
paritate maximus, sed ut inter delectos opti-
mos & summos, adhuc melior & primus.
Adeo pridem, consona Libertatis voce, pares
imperiiis facti, extulisti Fasces & Secures, qui-
bus pareret libertas ipsa; atque illud jugum
paratissimo subiret obsequio, quod a cervici-
bus popularium, vester mucro excusserat. U-
num est enim servitii genus, quo soluta gesti-
unt cervices attrahi: in Assertoris sui nutus
alacriter conspirare. Currebant interim se-
cula, non ita evoluto sole, ut *TOPORIO-
RUM* sago, Togaque, & quasi perpetuo mu-
nerum Consulatu candida. Proferebat se Po-
steritas per difficillima fortitudinis prodigia,
nunquam sine Purpura, quia, nunquam sine
crescentis meriti satellitio; quasi acquisita,
post *VANDAM*, servanda Reipublicae
dignitas hamum quendam iniecisset Nepoti-
bus, fortissimum (inquā) comparandae gloriae
aculeum, quo solo vellent Murices inescari,
& capi. Continua tandem Fortunae pro-
vocatione vegetabant Nobilissimum sangvi-
nem, ut floreret immortaliter, ut per ata-
tum orbitas ad provectiora fastigia curreret.
Ivisti verò excitatissima Comitum *NAVO-
GII* Progenies, per ingentia decora; densastis
Aras opimis manubiis, Ducibus Patriam, Se-

tum Patribus, Annales exemplis. Quid enim in Reipublicæ memoria sanctius, quam altissima illa *Comitum de Tenczyn* Natio, & horum Fraterna sanguinis portio OSSOLINII? Quæ discrimina, non horum manu? quæ perniciēs, non horum ingenii pernecitate à Regni visceribus excussa? quæ pacis optima steterē, non his Optimatibus? Locupletata per hos Poloni Imperii felicitas, egere nihilominus visa, postquam omnium dignitatum Muneribus se exhausit, ut aliquid suis Deciis, suis Camillis, suis Pompeiis referret. Sublimiora tamen debebantur, quam ingerere potuimus. Avitæ Virtutis proceritas, dum se in Hæredibus per ardua propagat, supra Magnatum verticem major abiit. Adiecit igitur Orbis magnitudini Vestræ suffragium. Pares sacri Romani Imperii Principibus jussit esse *Ferdinandus Cæsar* OSSOLINIOS, Ducum Europæ maximis inferuit *Urbanus VIII.* Quæ immensitas gloriæ? Certabant de ornamento Heroum cum Augustissimis Sanctissimi, ut non decliviorē Cidari Domi incederet assertæ per Vos Religionis Pietas, quam defensæ Europæ Fortitudo. Verum Mithræ jam olim inter cunabula Domûs se evolvebant, Cæsareum à Carolo V. *Comitibus Tenczynscis* munus. At hi Fratres erant, nec Vos degener sanguis, sed œmulatione Majorum vividus, & quotidie seipso formosior. Justitiæ detulit Imperator Fraternali Tituli auctoramentum. Quid interim Respublica? ab Orbe extero adoratos non extolleret? quidquid pulcher-

cherrimum erat , dedit. Quasi enim pudore solo suffunderent se Purpuræ , nisi OS-
SOLINSCIORUM humeris niterentur , illorum sanguinem sitiebant , ne florerent obscuriùs. Inde Politiaë Magistratum , inde Infularum petebat fulcra , unde in malaciam latioris Fortunæ , ex sinuosis turbinibus , enatavit Polonia. Sic Vice-Regia , Princepsq; Gnesnensis Tiara incubuit *Comiti à Tenczyn* STEPHANO , ne sacrorum primæ in Regno Potestati Coronarius deesset fulgor. Zulonem Episcopum inter Tutelaria nomina censef Cracovia , ne urbi , Regni Capiti , sanctiores radios ulla ætas abstulerit. Felicem aleam memorat Wladislavia. MATTHIAM Antistitem á Vobis sortita ; quot victimas sub Asciam darent Infulæ , ut illa fronte perenniùs potirentur ! Obmurmurat enim usq; modò Honoribus Pietas , & tantum non acie decernit , quòd Genus Religioni usq; ad Aras juratum , sanctioris formæ à tenero ungue retinentissimum , illibataë Fidei ex asse hæres , non omnibus Aris præfedit : violentiam Fortunæ increpant sacri Litui , quòd plures Avorum Vestrorum Ceraë illuminent Curiam , quàm Adyta : floruerint Ostro , quàm Violis. Sed litem Acies numerosa dirimit , inde è propinquo sangvine Præfulum , hinc Procerum. Aciem enim Curulibus Ferculis , & Romanis invidendam triumphis prætevehi mihi videor , cùm in vestrum ILLUSTRISSIMI Comites Senaturn oculos refero. Tacitusne Orator , omni elogio Majores , quia

C

Pro

Crom:
ad an:
1360.

Proauctores Vestros, Stephanum & Hieronymum SETEGIOS, Sandomiriensem hunc Palatinum, illum Cracoviensem Castellatum præteribo? at disertissimos annalium Poloniæ Tacitos fatigant horum adores. Andream Comitem in Pregonia NAVOGIUM, luculentissimam Tramitis Vestri panegyrim, elingvi admiratione mittam? at eosdem Faeces, Princeps Senatûs possederat; & quanta fortitudine! Ut ille ferocienti Moldavo se objicit! ut dulce Reipublicæ Caput galeâ canitiem atterit! ut Magni Æneæ manu dignatur hostes! ut profundam plagam fugæ Barbarorum incutit! ne unquam non meminerint, se opimam cladem e Polonia extulisse. Ab hoc Minores quî dicam? reclamatione toto feré seculo domestica Vobis Dictatura. Ne nomen amitteret ille augustus clavus, (intelligo Castellani Cracoviensis summum) fixam redidit Heredibus Paternæ sedis eminentiam. Eadem Curuli ad summum venere IOANNES & ANDREAS Comites in *Tenczyn*. Proceres appellabo an Hectores? Tutela rerum Poloniæ credebatur verior ille Gratianus, in cuius fidem & scutum, Hedvigem Reginam, Urbes, præsidia, leges, bella, se conjecerat Respublica, ne fortunæ insolenti aliquid in nos liceret. Jam Andreas, si detritarum gentium, quas castris exuit, nomina induisset, Tauricanus, Prussicus, Hungaricus, etiam Austriacus audiret. Conclamata Viennæ advolat, Tyrannum Orientis reiiicit, Solimannum fundit, Urbem Imperii Diadema

ma solvit. Quo pretio? Ducalem S. R. I. Mi-
 tram Augusti dederant, coronam obsidiona-
 lem reddit; Dux pro Austria, cum Turca
 cadendus est; sed eadem manu sinister
 nimis Austriae, dum illa Maximilianum
 Archiducem nolenti Poloniae iniicit, iste ar-
 mis removet. Quid ago? Purpuratos Quiri-
 tes Regni proferre volueram, & ecce belli
 Numina! Miscetis hæc, legibus Solones, ar-
 mis Miltiadæ OSSOLINII: ore triumphos
 jubetis, ferro deciditis, utroq; Patres Patriæ.
 Non ego his interferam Stanislaum Comitem
 in *Tenczyn*? At inferuit cruentatus Oriens.
 Barbaro quidem Hector ille sanguine suffecit
 Purpuram; suo ditavit: quasi solâ vincendi
 lætitiâ Spiritum nutritivisset, postquam Abasius
 Turciæ Dux corruit, Comes noster se & Vi- Piaſce
cuius.
 ctoriam cœlo intulit. Pluviam nimis Iridem
 invexit Asiæ, attulisset Poloniae, ultima He-
 redum in *Tenczyn* periodus Stanislaus, nisi ca-
 lentem adhuc & in excidia Turcarum prosi-
 lientem animam traxissent in se OSSOLINII.

Apellis huc radii! Nicolai OSSOLINSKI
 Castellani Vislicensis animate prælia. Non il-
 le ære conscriptas legiones, ne quæ imbellis
 manus se bello misceret, sed Fraterna nomi-
 na, sui stemmatis Viros, septem cohortium
 Domum unam, Comitum exercitum, educit
 in aciem noster Fabius, imponit Russiae fr- Longi-
nus, five
plugoiz
ad an:
1377.
 num, Regi Ludovico lauream. Quid agit in
 Prussia? imò quid non agit? Jagellonis pe-
 ctoris Regii pectus est adamantinum ad Da-
 brownam; triumphalē nominis apellationem

etiam loco indidit ad Coronoviam. Quàm multis hîc laborarent quamvis Longini oratores! quàm nihil afferrent nuda narratione venustius! Tamen Civicis tot laureis onusto quæ corona illustrior? Filius. ANDREAM OSSOLINSKI luci edidit; imò, vix natum, bellorum monstris objecit. Ita enim extero Marte juventam iste erudivit, ut Sigismundi Cæsaris oraculo HERCULIS illi nomen accreverit. Tantùmne nomen? ex stipendiis conjice. Obæratuſ ejus Palmis Imperator, *Comitatum in Thurzec*, ditionem Arcis *Sclavina & Bardiiow*, dominio cessit: ut Vir, seculi sui pretium, etiam ex latifundiis nosceretur. In Patriam redeo. Hîc verò acies iterum mihi se objicit sine numero, non sine formidine contrahentis se eloquentiæ. NICOLAUM OSSOLINSKI (usitatum Vobis est etiam in nomina Priorum ascendere, ne gemmæ conchis dissentiant) Castellatum Woynicensem, fatis eloquar? saluberrimi Consultoris nuncupationem à Curia tulit: ita gladio consultore usus, ut simul svavissimi flore eloquii vulneribus Reipublicæ mederetur. Tacebisne fama *ILLUSTRISSIMUM JOANNEM OSSOLINSKI* Radomiensem Castellatum? Dic teneriori Vladislao III. formatorem additum, Regiæ pubertati Arsenium, Reipublicæ, jubente ipsâ, Gubernatoris titulo, Parentem, dic nulli præterquàm à Rege secundum, uno gradu á folio minorem, & in illa potentiæ sublimitate, ambitioni impervium, vel ipsâ honorum dedignatione maximum: superant hæc

Annal:
Polon:

Diugosf:

hæc omnes Rhetorum blanditias. Quin & Alpes superat *ILLUSTRISSIMI* HIERONYMI OSSOLINSKI militiæ rudimentum. Exarserant in bellum Senenses populi; Heturix Dux, Ioannes Medices, quo remedio extinxit? notam Poloni Alcix virtutem advocat. Venit, bellum abstulit. Iam quantus idem ad Obertinum! loquantur miracula. Mil-le mortibus hostem & se attriverat, totidem ferè Hieronymi vulneribus (carò!) aciem obtinuimus. Injecit postea cicatricibus indumentum Polonia, Sandecensem, mox Woynicensem Castellana Togam, excussit has Sandomiriensis Provincia, suam obtulit. Ille quidem Senatorias per sellas salire noluit, quasi pulchra vulnera debilitassent: amore tamen Civium tractus est, paruit. Majora illi & nobis Cœlites præstiterè, & velocius. Cœlestium enī Geniorum opem Augustissima Cœli Imperatrix misit, ex illo crudelis pugnae campo faucium eriperent. Horum manu, pro vehiculo fruitur: quàm celeri? Idem momentum, dispar solatium attulit. Simul hostis ad Obertinum cœsum videt, exultat; & Leopoldis incolumem accipit. Quid ego verba perdo? hunc in cœlum extollent verba? cuius jactura Superos vulnerabat! Prodigia celebrarunt Parentem, ego Filios. Martinus OSSOLINSKI, Paterni vulneris induvias, Sandomiriense laticlavium subiit Castellanus; subiit & galeam. Altius suis fluctibus extulerant minas Dantiscani, impotentiores freni, quàm Balticum. Martinum objecimus. Præcidit illum

tumorē ense ad Derſaviam, ſubſedit malum,
urbs tormentis ſuis immugiit, Domitoris no-
men trans mare navigavit. Iſtius Fratrem quæ
gloria præterit? Intelligor ZBIGNEUM
OSSOLINSKI nominare; Principatu
Sandomiriensẽ Palatinum, in Sago Scavo-
lam, Regi Sigismundo, & Republicæ Zopy-
rũ. Sæviorẽ Porſenã tyrannum ſuſtulit, Ci-
vile nefas, ſeditionem. Turpi fædere ſe ma-
culaverat victor exercitus, frontem Mo-
ſchica laurus efferavit; animũ domitæ gentis
cõtra nos induunt, ad Breſtã ſecedunt: pla-
cuit vinculi conſpiratio, ut ſolutiũs graſſaren-
tur. Supplices ſumus Palatino: occurrit iner-
mis furentibus, evaſimus. Videamus Scæ-
volam. Dederant ſcleri nomina Veterani: ex-
torſit ille teterrimum conſpiratorum Album,
ingerit ignem paginæ, manum igni. Factum
vidimus, oranti intendamus. *! peri dextera!* (ait)
niſi omnem, quã irruet, perniciem à Patria retruſeris.
Hanc ego facundiam Julio cõparabo? malè.
Perſvaſit Cæſar gladiis, ſed ſcelus: gladiis im-
peravit Zbigneus, cecidit furor. *Calet òne nocens*
à Cæſare ferrum: effudit ora Palatinus, obrigeſcit
Erynnis; & manus, quamvis contra natales
focos ſteterant, frigidæ ſunt. Quid tanta Vir-
tus procrearet, niſi Triarios: CHRISTO-
PHORUM, MAXIMILIANUM, GEOR-
GIUM. Quantos? non dicam. Narravit Or-
bis. Solis ore narrandi ſunt OSSOLINSCII,
quorum os clariora ſole fudit oracula. Ite-
rum Sandomiriens ſis Provinciæ Caput *Chriſto-*
phorus, ſuccedit Palatinæ ſellæ: familiaris erat,
&

& tanquā natalium Dignitas. Araria Curiae
Regni *Maximiliano* infudimus : prolusit isti,
quem unum mea spectat Oratio, Avus Ne-
poti. Annulum Regni tulit *Georgius*: gemmam,
os aureum. Ut mihi se hic nova series offert,
quam eriperent Pacati, inviderent Flori! Dif-
fero; lustranda est *Melita*. Ibi *ILLUSTRIS-
SIMUS IOANNES OSSOLINSKI*, invictæ
Crucis Eques, religioso Marte in Mauros ca-
lentissimus, spirans Maximiliani Parentis I-
mago, Siculo mari Classes instruit, Rostratis
barbarum arat littus, adoreas metit, Triremi-
bus Africæ insultat, Asiæ imminet, *quærit pe-
lagi cœliq; tum ultu, quid præstet Fortuna sibi*. Præstitit
Virtus. Navali corona insignē accepit Patria,
Muralem contulit: infundentem se tempesta-
tem Sveticam hoc aggere detinuit Vladislavus
IV. exposuit Ioannem propugnaculis, Leoni
Gothico facem, imò Leonidam.

Per tot acies, tot bella, tot maria, tardiùs ad
Te eluctor tandem *ILLUSTRIS-SIME THESAU-
RARIE*. Tui sunt, non succensebis, qui morā
injecere, penè vincula, indifertis conatibus.
Enervi sermone diximus; Heroes fatigârunt.
Substrictè, nec sinè gestorum injuria, incessit
oratio, sagulum imitata est. Plurium nec no-
mina delibavimus: respuunt nostram imperi-
tiam, Pliniis committendi. Nec operosè a-
deò conquirenda erant vetera, dum regnant
Posteris: *non caret vita Catone*, dum Vestris exē-
plis vivitur, vos Patrum. Tuam in gloriam
laborârunt illi; Tu illorū immortalitatem nu-
tris, Funera excitas, vivunt, agunt, prælia

occupant, & senatum. Approbent se dicta. Ducamus à cunis Herculem: sol, clypeus cæli est, etiam, dum primùm rubet; magnarum mentium vel prima lux spectatores non tot habet, quot divinos: primam Apellis lineam miraculum dixeris: ungve nondum nato, porrigunt se leones. Talis Poloniæ illuxisti, aureæ stirpis ramus concolor, COMES *ILLUSTRIS-SIME*. Primi juventæ characteres, THEODORÆ Matris alumnum loquebantur; id est, profusioris cœli donarium, olim Regni thesauris apponendum. Teneri ludi, & ille ætatis nucleus, Iliadem Avorum explicuit; meditatae voces, porrecta in Virum consultatio, & animus futurorum artifex, altissimæ substructioni proludebat. Maximilianū ostentabant minima; mille maximos præferebant avitæ Domûs Atria, tu colores ònium traxisti, inde nominis nuncupatio. Admoneor (ajebas) tanti nominis, ne à sua majestate abludat; istud Parentis est, idem Avus prætulit; Ceris lucet, sanctum est. Quidni Te erigeret ad luctam *ILLUSTRIS-SIMUS* Comes MAXIMILIANUS OSSOLINSKI Venator Podlachia? Achilli præivit Chiron, commentariis bellorum, velut leonum medullis, Te enutrivit. Monstravit Orbis tabulam, hîc [ait] *Narogius* dimicavit, hîc *Andreas* S.R.I. Princeps vicit, hîc *Tenczynscii* florem Tauricæ messuerunt, hîc motas acies restituerunt OSSOLINII, hîc cunctando vicimus, hîc impetu. Tantumne armatas laudes cecinit ille Nobilitatis Podlachia Nestor? (ita *ILLUSTRIS-*

SI-

SIMUM Parentem è Regni sententia compellamus.) Quin potius nihil consilii publica, nihil privata remedii, nihil pacis turbida receperunt, non illo duce. Aderat Provinciarum Cōitiis? in suarū sententiarū nervos currebant universi. Non voces evolvi, sed retia crederes, adeò cunctorum arbitria concludebat Venator. Unum est, quod invitis omnibus egit: meritorum dignitate summus, Titulis subiratus, illecebram exhibuit, aucupium defugit. Ut plerumq; animus Virtute sua porrectissimus, quocunq; ordine federit, teneatur, nec amat per altiora eluctari suæ magnitudinis pondere bene subnixa Veneratio. Egregiè tamen vindicavit se Honor; *ILLUSTRIS-SIMUM* Venatorem, Senatūs Patrem nominavit. Vicit. Crescit enim Togata *OS-SOLINIORUM* acies; Livenſi Castellanae Purpuræ livoris nomen sustulisti *ILLUSTRIS-SIME CASIMIRE OSSOLINSKI*. Non livet, nec invidet, Serenissimum nomen induit, Te possesso? Accedit lateri *ILLUSTRIS-SIMUS GEORGIUS OSSOLINSKI* Castellanus Polanecensis. Effundit se uberrimus Asciae nitor, sive leges dicitis, quibus Romana quoq; Secures submitti vellent, sive in perplexas Curiaë discussiones præsentissimo lumine descenditis.

Quò à Te *ILLUSTRIS-SIME THESAURARIE* aberravit dictio? Imò quò Tu à nobis? Parciùs, quàm tanti meruere Penates, in adoranda Natalium limina excurri, Tu interim incredibili discendi celeritate Palladium sci-

E

en-

entiis rapuisti. Avara cognoscendorum Indoles, prædatrix librorum sedulitas, eloquendi vis & argutia Tecū nata, doctissimarum mentium acie in discrimen Palmæ adduxit. Transcripsisti in animum ex Tacito Germanicos, ex Pharsalia Metellos, ex Julio pugnacissimos. Nondum prætextam abjeceras, jam in arcana Politicæ, in liberæ Gentis instituta, in Imperatorum gesta, in evolutæ antiquitatis memoriam intrabat solertia. Decurris mox Europæ Olympia. Quid attulit extranea quasi novi Orbis consuetudo? à peregrino sole nil infusum. Peragrasti terrarum fines, nullo vitiorum confinio. Lingvarum concinnitas tanquam ubiq; natum te habuit, sed nusquam cultæ Virtuti difformem. Legebat in Te comptam amænitatem suam Gallus, sed procul impetu; granditatem Hispanus sine fastu; bellici ludi Palæstram Germanus, sine rerum exterarum despicientia; terrarum historiā intulisti auribus Poloniæ, sine frigido sensu erga Patriā. Non obviis ulnis gravissima Reipublicæ munia Te reducē accepissent? Tunc enī exprompsit se animus, parsūmis Honorū fungi periculis, seu belli poscerent, seu pacis discrimina. Instructus haud populari trutina candor pectoris, nec vulgò patulus, nec velut ad insidias latens; Sagacitas tractandarum rerū exquisitissima, consilii peracutus vigor, dum Te omnibus ferè subselliis reddunt acceptissimum, ferè singulis eripiunt. Legationum splendida, Forensium implicata, arduæ fisci actiones, Maximilianum sibi poscebant. Drohy-

hyciensi Themidi, præsidio legum adesse
compulsus es Capitaneus. egebant nimirum
leges Asciâ, ne vindicem juris gladium vagi-
næ aureæ præstringerent. Subducere equidem
Te à severo illo officio volebas, tecum natæ
comitati submolesto; & perfecisti. quanto
bonæ Causæ periculo! nisi alterum Te juri-
dica illa potestas impetrâisset. Fratrem loquor,
ILLUSTRISSIMUM Comitem JOSEPHUM
OSSOLINSKI, Drohyciensi Præsidatu ita
Justitiæ carum, ut illa in nefando crimine po-
nat, nisi hunc altissimæ Curules ad Reipublicæ
curam evehant. Quid? num Te usibus no-
stris auferre voluisti *ILLUSTRISSE THE-
SAURARIE*, cùm personam Judicis depone-
res? At altiùs humanis Principū oculi riman-
tur; nullas ab his latebras habet Virtus suis
numeris absolutissima; recedat, declinet, Re-
gibus tamen cernitur, & Reges trahit. Re-
gem, inquam, Potentissimum Poloniarum
AUGUSTUM, perfectissimus Heroum San-
guis provocâsti, ut cum Maximiliano congre-
di Regium esse putet, ut gratiarum vim ex-
ferat, ut tota Majestâte in Te incumbat; cer-
tare imperat, obluctari vetat. Iam cataphra-
ctæ Legionis Ductorem Te, non Tubæ citiùs,
quàm prostrata hostium agmina salutaverant;
S. R. Majestatis præliares Aquilæ magnani-
mitatem Ductoris lætis clangoribus effere-
bant. Experiamur (ajebat Rex Sapientissi-
mus) an mei Comites OSSOLINII tam dex-
trè publicæ rei molem, quàm scitè gladium
rotant. Ærarii proinde sui Regem Te pro-

nuntiat, Regiæ gazæ imponit, ne cui dubium sit, supra Regni pretium ascendisse, Vestram seu bellandi felicitatem, seu intactam auro fidem. Divinè omnia! Sic ibant Tui Primores *ILLUSTRISIME*. Primum illis erat à Marte Numen Regium: Illis, ceu Joves Pulvinaribus Sacræ Majestates sese acclinabant.

Quàm unus Tu mihi Cōes *ILLUSTRISIME* aciem facis! quidquid in Proavis admiratæ sunt ætates singulæ, tenes, oculis exhibes. Non singulari laudum provocatione, sed toto Ingenii Marte, conglobatim, stipanda sunt encomia, si aliquam vel ex degustata Vestra acie famam sibi promittit eloquentia. Quid enim aggrediar? Æquitatem justî retinentissimam? Lycurgo dictasse Rempublicam videris. Animi temperiem exporrectam? hæc affectus Nobilium rapuit, ut Te cuivis Provinciæ præoptent, ut Tuis Honoribus ex intimo studeant. Amorem Principis? ideo Sole Nostrō frueris, ut nos perfruamur: quidquid inde Tibi laboris accrescit, publicæ serenitatis incremento accipimus.

Tenes Provincia Sandomiriensis votorum tuorum verticem, custodem Sanctissimarum legum Asciam, Justitiæ murum aureo telo invulnerabilem, Nomen Profapiæ, tuis aris, tuis Penatibus memoratissimum, quod Atria & Lares Palatinatûs, laureis distingvit, mitris attollit, *ILLUSTRISIMUM MAXIMILIANUM OSSOLINSKI*. Respirent desideria, & svada.

Poscunt aciem fæderata *THESAURARIÆ*
Do-

Domui arma: respirare non licet: acuminare
obtusæ orationis stylum arcemur. Ita felices
in publicum estis OSSOLINII, ut Domesti-
cis etiam laudibus Regnum quoddam Pur-
puratorum accedat. Indimensam enim Hero-
um aciem, adscripta Ceris Vestris nomina
restaurant. Augustam ex KRASSOWSCIIS
Lucinam Tuam, *ILLUSTRISIME THESAU-
RARIE*, adorant Fasti, & natalium Parentem
diem signabunt gemmis. Ex Virtutum Pul-
cheriis lectissimam Confortem, MIACZYN-
SCIORUM trophæa provehunt. Quot hîc in
dote triumphî, norunt cruentæ bellis hye-
mes. Cantantur adhuc per Castra *ILLUSTRIS-
SIMI ATHANASII MIACZYNSKI* Wol-
hyniæ Palatini vocales illæ Tubæ, feralis sem-
per Thraco, Bessio, Tanai, sonus, Poloni Mar-
tis concentus. Si *CELSISSIMOS* Principes
LUBOMIRIOS altissima exercent Guberna-
cula, si fama triumphorum KALINOWSKI-
OS, Si per Regnorum nomina, & ultra Re-
ges, ultra mortale fastigium Sanctissima, de-
currimus *ILLUSTRISSIMOS* Comites DON-
HOFFIOS; totidem natæ OSSOLINSCIIS
Charites, velut uniones, hunc Tagû auxerunt.
Propiore gradu inferunt se Summates The-
midis & Martis gladio ZAMOYSCII, Purpu-
râ MORSZTYNII, Libertatis zelo ZBO-
ROVII, pacis Oratores CHOMENTO-
VII, Senatûs Facies TARŁOVII, Regum
Sanguis DANIŁOVICII, Principum amor
SZEMBECII, Divorum genus ODROWA-
SII, bellorum fulmina FIRLEII, Ducum an-

tiquitas WORONIECCII, Victoriarum manus POCIEII. Jactanda propinqvitas *ILLUSTRISSIMI* consiliorum promptitudine HUMIECCII, Areopago USTRZYCCII, Svadâ MOSZYNI, trophæis GIESZAVII. Thebarum Portas, & in his Fortissimos, quis numeret? Cannensi ex acie non tot annulis superbæ sunt manubiæ, quot Heroum manus pronubo Vestro, *ILLUSTRISSIMI* Comites, adamante. Mittetis unam hanc noxam tot armis obtritæ facundiæ, *CELSISSIMÆ* Procerum majestates, quod vel sola recensione deterritæ manus, subducant alâ in Vestra encomia succinctam. Nobilior Vobis ambitio est OSSOLINSIORUM sanguine cense-ri, quàm inerudito calamo temerari. Procul enî à Vestra Magnitudine sunt verbosi Imaginum ostentatores, qui (ut aiebat ille) *ubi illustre nomen defecerit continuo Deum fingunt*: ne in Fabiis subsistant, à fabulis se derivant. OSSOLINSIORUM cognata arma, vel me tacente, divulgat Qviritum veneratio.

Nullam tamen indulgentiam delassatis calamis promiserim, nisi *ILLUSTRISSIMIS* COMITIBUS: Dapifero Sandomiriensi, sub dapifero Podlachia OSSOLINSIIIS, vel Subiectum Ascia cadat oratio. Labenti suggerite illum oris Vestri torrentem, quo publicos confessus publica animatis consilia. Sic OSSOLINSIIANIS Ingeniis in novas vires se acuet, se excitabit, sic mucronem Asciæ, in disertissimi Vestri Nominis encomia, vertet Orator.

Au-

Aude calame! aciem ingenii jam pro-
move! Stetere fraternæ acies ad Ianovecum,
tenduntur manus in Caput Regni, acinaces
in sceptrum; armat mutuas in cædes furor bra-
chia, mucrones acuit invidia; cognata con-
currunt arma, ut secetur artus, qui conjuncto
rubit sanguine. Advolat SBIGNEUS, Pala-
tinus Sandomiriæ, mistas periculis mortes ag-
greditur; aciem opponit rationum, vincit,
tanti fomites incendii Regi subjicit. Dissipa-
vit conjuratorum in Poloniam fatorum um-
bras; quæ tamen vel dissipatæ, imaginem in
illo dexterrimi Senatoris adumbrârunt. Nul-
la succensa dissidia, quibus non admotus fu-
isset suppressendis, nullis admotus, quæ non
extinxisset, efficacior in persuadendo Pacatus.
Didicere tunc formidare pericula, timere fata
ab OSSOLINIIS. Successit Hortensio Ro-
sinus, culmen illud gloriæ literariæ, S. R. I.
Princeps Dux in OSSOLIN GEORGIUS
summus Poloniæ Cancellarius, totum facun-
dioris Tritoniæ visus ærarium exhaustisse.
Quod tanto sublimavit pretio, ut annulo Re-
gni meruerit obsignari custode. Putâsses il-
lum Pyrrhi fuisse annulum, complexum A-
pollinem, Musæum, & quidquid svadæ cul-
tioris est. Lugubris erat Regni facies, dum
Regium Sigismundi III. Pomum mala cin-
xerunt cumulata. Pallebat sceptrum, cûm
chalybe rigerent manus. Solium non alius
insidebat fulgor, quàm armorum, non alium
daturus diem, quàm bellico succensum ab
igne. Erant hosti qui ferrum acuerent, ani-
mi;

Orb. Pol.
tom 3.

Annal:
Polon:

mi; qui animos inflaret, tumor; qui tumore attolleret, numerus. Quamvis brevi tumorem posuit, ut incisa chalybe Sarmatico vena fuit. Expedita videbatur evadendi discrimina via, si Romam, Viennam, Venetias, in Angliam expediretur OSSOLINIUS, acturus pro domo Tullius. Conflaret auro periodos, ut plumbeas in hostem glandes torqueret. Spargeret eruditæ mentis acumina, ut in barbaros tela vibraret. Flecteret potenti svadâ Soles externos, ut Cynthiæ Turcicæ cornua deprimeret. Tonaret meridie toto Pericles, ut in Orientem effunderet fulmina. Adiit Viennam comitantibus votis publicis, & spe Regni non dubiâ. Intulit Imperio Majestatem illam vultûs & aulæ, quæ OSSOLINIUM, quæ Poloniam, quæ Imperatoris, quæ Imperii admiratorem deceret oculum. Necdum pupillam stupor insolitus dimisit spectantis Viennæ, jam aures occupavit admiratio ad Isocratis Poloni vocem, attonitas. Quidquid quâ privatim dixit, quâ publicè, inter oracula recensitum; tantâ panegyri comite, quantum in diplomate legimus Ferdinandi, quo Mitram Imperii Romani admovet capiti OSSOLINII; quod scientiarû Imperium quodpiam erat amplissimum.

Non potuit plausus, gloriam, hospitem tantum capere Germania, Venetias impleturus pergit. Agit ibi pro Spartha Patriæ, decidunt Venetæ non aliter locutum fuisse Mercurium. Erubuit fretum illud, quòd ejusmodi non ferret gemmas, ut ab ejus volveban-

tur

ore. Nimirum, quot verba, tot eruditorum illi coronæ uniones adjecit. Admiratus ille Senatus, dum augustiorem audiit facundiam ad suum resonare pelagus, quàm Tritoniæ quondam fuerit ad suum lacum. Admirata Respublica liberrima, se Herculis Lechici eruditæ svadæ catenis vinctam, sed libens pretiosæ servituti subjecit sese.

Orbis inde Capiti, majus orbe caput, inferebat. Inferebat splendorē illū, pompā illā, quam detrita iam Triumphatorū vestigiis Appia nondum viderat. Effusa, quanta fuit, Civitas, in plateas, in turrium apices, in editiorum vertices ædium, intentis oculis, exporrectis vultibus, cupidis animis, prospectant; pupillam & admirationem distrahentibus, singulis, quæ plurima videri merebantur. Rapiebat sibi frequentia comitatūs, quantus Comitē à *Tenczyn* depingebat: ornatūs pompa, quam Gratia texuisse credebantur, armorum apparatus, in quem cultior exeruerat se se Vulcania, equorum congenita majestati ferocia, quales vix Alexander quondam infederat. Putassent populi, Phætonem vehi, nisi plures advertissent sexigas. Equorum soleæ puro candebant argento, quod candore vias insperferat, cariore multò, quàm à Iunone respersa fuerat via lactea. Accendebatur, verùm & satiabatur in populis argenti fames, calcitrantibus suppedaneā excutientibus gazam. Equorum lusus fuerunt solatia plebis pretiosa. Aderat Romæ sciolus mercator quispiam, qui Cinæ Polono venalem proponebat svadam,

dam, quærendo nummos pro verbis. Quid ad hæc os Poloniæ; ut disceret orbis, linguâ pariter, atq; manum auream OSSOLINIIS inesse, avari quæstoris marsupium implet abunde, ut arrectis excipiat auribus Mercurii Poloni facundiam, quæ sola pro Lydió sufficiebat auro, ubi parem æstimatorem nacta fuit. Locutus ipse, persuasit, retulit elogiū, in quo Caput orbis defudavit: Londinum petiit.

Ibi veró quantus depinxit rubor Angliæ rosas, dum rosas ab ore profunderet Polonus Roscius! Ver Oratorium amænè ridebat Ornatissimis in verbis; dictio, quanta fuit, vernabat adeo comptâ Florâ, ut totam præferret eloquentiæ, quasi Florentiam, id est, integram facundiæ rempublicam. Orationes istas prosequi laudibus, est mari guttam adjicere, vel meridiano soli faculam addovere. Typus illas publicæ porrexit luci, ut orbis depromat encomia, quibus unum non sufficit ingenium, nisi forsitan OSSOLINIANUM foret. Ita gloriosâ Reipublicæ faciem præibat ubiq; fascibus & caduceis innexa OSSOLINIORUM Securis honoraria. Didicit orbis, uno se capite comprehendi posse, nec illud implere totum. Vidit in uno Senatore, eundem Poloniæ, quem plurium Regnorū Senatū esse, si capitibus illos metiri velis.

Ab exteris in Patriam revocamus aciem: monstra perfidiæ Asciam provocârunt vindicem. Factum: detonuit in Polonia, Lithvania,

nia, Prussia NICOLAUS Castellanus Visli-
censis, Apostolus in Trabea; ruerunt fana, ru-
erunt idola, ruerunt hæreses; gemma Fidei
non modicis profecit auctibus inter ejusmodi
docta tonitrua. Asperavit Nominis iram SBL-
GNEUS Palatinus, omnem movit lapidem
HIERONYMUS Castellanus Sandomirien-
sis ad obruendam hæresim; GEORGIUS Dux
in OSSOLIN incubuit illi hydræ, iam non
hastæ, sed rationum acumine: perditæ errores.
Quæ adhuc illorum scintilla micabat, MA-
XIMILIANUS Curia Regni *THESAURA-*
RIVUS sub sceptris Vladislai IV, extinxit Eu-
rippo, quem integrum excerptisse censebatur.
Tunc patuit, si quid facundia posset!

Micheas

Ovidius

Quid immortali iam assertum luci, sepia
suis involvet ūbris HIERONYMUM OSSO-
LINSKI, Abbatem Coprivnicensem? Ad
istā se Vallem Divi Bernardi contulit, quò se-
curior ab honorā concursu lateret in altissimo
declivi. Sed quantumlibet virtus honorem a-
versetur, honor nunquam virtutem destituit.
Illustrior in tenebris adāas, clarior Apollo sub
cortina. Quærebat humilitas effugia, verum
aquitas præclusis quibusq; viis, torquem ob-
jecit honorariam, quā irretitum HIERONY-
MUM, sanctam accepit prædam sancta digni-
tas. Adjecit lucē Claræ Valli Religiosis um-
bris inserta virtus, velut carbunculus. Illinc
in Poloniam Campaniam tanta probitatis eru-
punt incendia, ut Vesuvius esse crederetur,
nisi Vallē esse perspectum foret. Quantam de
hæresi palmam ingenii tulerit, disertæ loquen-

Gasp.
Cicero:
in alloq;
Oficio

H

tur

tur fasti, quos nomine, gloriâ, meritis implevit. Unū caput septenis hæreticæ hydræ capitibus opposuit, par mille profligandis. Minime tamen eruditas ejusmodi exaggeravit victorias, tanquam ex iis partas, quos suum destituerat caput, Romanus Pontifex. Eadem Divinior Pallas orthodoxum etiam Athlantem triumphavit. Exarserat in bella Reipublicæ pars non modica, bilem accendentibus odiis in Sigismundum III. Ardor hic nonnisi fœdis cruoris profluviiis restinguendus erat. Adhibet suum tantis ignibus Eridanum, facundissimus HIERONYMUS, Marte calentes aggreditur animos, ingenio dimicat, vincit rationibus, prudentiâ triumphat, in spolio recipit elogia, oris diferti. Gradivus hastas, galeas, ferrum, inclinat Palladi, velut olim Anaximenes Macedo pro Lampfaco peroranti; demittit scutum ægidi, laurum oleæ, gladium Ascix. Non otiosè Crucifixi pendulum è collo signaculum apprimebat Abbas pectori, cor illud boni publici gazam obsignabat, custodem Regni tuebatur flammam, quam tantus publicæ pacis amor accenderat.

Æquissima rerum parens natura, æquâ lance divisit dotes præclaras inter Fratres, sic ut in neutrum fuisset injuria. IACOBUS HIERONYMI Frater, profanæ lucis instructas ut elusisset insidias, atræ concolorem nocti subiit amictum, sub institutis Ignatii. Mirum in eo Sanctitatis & Sapientiæ fuit contubernium. De labiorum purpura, quæ Demosthenes totus inledebat, prospiciebat innocentia;

vernabant in genis verecundæ rosæ , ridebant
in vultu Charites , regnabat in pectore gratia
Numinis. Inde passim cum Angelicis illis Ju-
venibus , Stanislaο Kostka, & Aloysio Gon-
zaga , unum dicebatur ingredi ternionem,
unam occupare sphæram cum hisce sideribus.
Religiosis umbris fumosarum Imaginum cu-
mulavit Majestatem, non splendorem minuit;
utriusq; tam OSSOLINIANÆ , quàm Lo-
joleæ Familiæ Virtutum heres legitimus. In-
viderunt Scientiis, inviderunt Societati IESU
ornamentum non popolare fata, in ipso æta-
tis flore spem in herba succiderunt, Nobili-
orem Narcissum intulerunt Paradiso. Theo-
logico Romæ consummato cursu, terminum
imposuit vitæ. Disputavit, quemadmodum
ipsa disputaret Sapientia: post erudita certa-
mina, cœli promotus ad lauream.

Gaspa:
Cir hoc:
in alloq:
Ofiec:

Ante decursum annorum aliquot, iisdem
Ignatii flammis claruit IOSEPHUS OSSO-
LINIUS, quem ad modestiæ leges efformâs-
se visa pietas, ad literas enixa Pallas, Hic ex
amplissimis *ILLUSTRISSIMÆ* Domûs Patri-
moniiis, nihil ad se spectare judicabat, præ-
ter scientias & Virtutes. Hanc, avitam quo-
dammmodo, possessionem gazis omnibus præ-
tulit. Quidquid magnificum in cunis obliga-
vit Lucina, totum Divinioris vitæ radiis il-
lustravit. Quidquid Majorum ceræ Sanctita-
tis expresserant, in se transtulit, cereus in vir-
tutes effingi. Matura jam Cœlo probitas in
Juvene, ac Numine plenus animus, terris ma-
jor, humana pertæsus, ad Superos evolavit.

Verum in ipsa morte spirabat Imago viva
sanctimoniae. Non doloribus prosterni, non
fatis deprimi, non ultimo langvore lecto po-
tuit affigi, omni fato sublimior Juvenis. In
Coelos erecto vultu, fixis in aethere lumini-
bus, ad superos exporrecto pectore, proten-
sis brachiis, in altum extenta manu, nimirum
jam jam prehensura Coelum, flexis genibus,
sedibus beatis animam resignavit. Corpus ex-
anime, sancto ejusmodi situ mirè compo-
situm, tantam plurimis incussit sui reverentiam,
ut movere, tangere, propius accedere, non
auderent. Stabat illa viva perfectionis Reli-
giosae statua, quam rarus Phidias, rara nem-
pe sanctitas efformavit ad prodigium. Lite-
rarum quanto flagraverit studio, vel exinde
colliges, quod Philosophiae, scilicet amo-
ri Sapientiae, sit immortalus. Quanto polle-
ret ingenio, dicerent difficultates Philosophi-
cae, quas audivisse, & resolvuisse, eodem ipsi-
us capitis claudebantur confinio.

Sed quid retroactos evolvam annos?
Quot quot ad orbis eruditi delicias edidit Lu-
cina OSSOLINIOS, saeculorum in illos con-
gessit ingenia. *ILLUSTRISSIMUS* Castellanus
Polanecensis, grandem ferro, grandem sci-
pioni nuper Tribunalis, admovit manum.
Tam Marti quam Themidi, avitae securis a-
cumen sufficit. Hostium cervices, & causa-
rum nodos praecidere, ejusdem aciei dotes sunt.
Gestit Astra, dum scipio suus in ejus
tumeret manu, qui Areopagum animo, pe-
ctore justitiam, capite leges Patrias comple-

iva xus. Nihil in illo desiderabant populorum
non vota, præterquam ut hoc subsellium occupa-
po- ret diutissimè, par universi causis decidendis
In Mareschallus. Pallebant crimina sub Ascia
ini- vindice, Iustitia triumphabat, superbiebant
ten- tanto capite Scientiæ.

um Pauló stylum reflecte penna! in aliam a-
us, ciem irrumpe, quæ Martem Polonum arma-
ex- vit atq; Palladem! *ILLUSTRISSIMUS* Comes
osi- ANTONIUS OSSOLINSKI Militiæ Sar-
tiā, maticæ Chiliarchus & gloria, Gradivo Pa-
non tre, Minervâ Matre prodiit in lucem! Quid
eli- venustius, quàm eodem spartham ac Athe-
em- nas claudi pectore? Nam armis cudimus a-
ite- doreas, possidemus literis. Alexandro judi-
nde ce, felicior Ulysses Homero præcone, quàm
no- excidio Troiæ. Nimirum per victorias can-
le- didatus, per Homeri calamum hæres factus
phi- æterni nominis. Ex utroq; Cæsar ANTO-
psi- NIUS: eadem dexterâ, pari dexteritate, scri-
bit & agit fortia. Aptas tam ferro quàm ca-
mo? lamo manus applicat. Agendo scribenda, &
Lu- scribendo gesta, par est. Satis est aliis Mars
on- ad gloriâ, aliis Minerva sufficit ad elogiû; OS-
nus SOLINIIS hoc utrûq; Nûen inter Penates est.

sci- Quousq; Jovē detinet sua Creta? quousq;
um. OSSOLINIORUM ingenia suas inter venas
s a- coarctabo cū sanguine? Influit Pactolus hic
sa- in STAWSCIORUM Srzenawâ; in avita MO-
nt. SZYNIORUM Sphæra volvit gēmas eloquii;
jus tornat svadam aureâ Cognatorum pene infini-
pe- torum Nominum, quæ sua superant ampli-
le- tudine, quidquid acutum scientia, quidquid

us. I egre-

egregium fasti, quidquid gloria magnificum habere potest.

Quot quot hîc Domestica Vobis in paginâ præceps effudit calamus, ingenia, òniû cõpendiû es, *ILLUSTRISSIME THESAURARIE*, grande scientiarum ærarium. Sapientissimi Majores Tui prototypon sunt, ad quod studiosè Te natura finxit, polivit ars exactior, perfecit industria. Relucent in Te, illi adamantes inter gemmas Poloniæ, Soles inter sidera, inter Proceres Numina, tantùm non Semi-Dii, quòd integerrimos fuisse palàm sit. Perorant in Te, consulunt in Te, Tuâ mente volvunt Regnorum cardines, vel per Te ipsum Majores, imò Summi, qui Summorum omnium Apex es. Quidquid illis erudito labore contulere merita, tanquam hæreditario jure, totum in Te devolutum. Hinc Tu in Consilio Confus, in Comitibus Lycurgus, in Areopago Aristides; ubiq; Principum Amor, delictum Populi, Fortuna Civium, Oraculum Poloniæ. Ab ore Tuo pendent eventus Patriæ, Consulum sensus, integritas publica. Dum loqueris, Athenæum aperis Plato Divinior. Sic Tuum Caput in orbem effingis melioris Fortunæ Lechicæ, Circum efficis, in quo doctæ sapiunt Academi.

Quanta verò de tanto Jove nata Pallas! *ILLUSTRISSIMUM IOSEPHUM* Capitaneum Chmielnicenssem loquor. Crescit indoles ætate major, ac ingens animus in puero designat, quantus olim sit futurus. Format in mente Senatum; Reges, Cæsares, novus

in

um in prætexta pene Papyrius. Perorat parvus
Hortensius in herba facundiæ floridissima, spes
ag- certas Patriæ. Accendit meliore sereno, quàm
cō- Archimedes olim, classes eruditas, scientia-
/E, rum Principis Academia. Mater illa sapien-
imi tiæ Cracovia miratur Caput subitâ plenum
stus Pallade, ac jam orbi suppar; animumq; natum
or, literis. Miratur seipsam adultam in puero sci-
da- entia, & ingenio tanto quodâmodo superbit,
r si- doletq; simul arceri corporis angustis gran-
Se- dem animam. Mirari tunc primùm desinet,
sit. dum quæ prodigium est alibi docilitas, do-
en- mesticam suspexerit OSSOLINIIS. Gestit Se-
Te natus, Catonem formari sibi, sed teneris suc-
um censet annis, quod suas morentur spes & vo-
o la- ta. Reliqua soboles *ILLUSTRISSIMA* velu-
rio ti sol, etiam primùm oriens, Principem lucis
in vultum explicat: veluti Nilus erumpens, in
in ipso capite maximus, & arâ dignus. Dixe-
or, rat Tullius: Scipionis genus ex ipsius Sapi-
cu- entia stirpe generatum: dixerim ego: OSSO-
tus LINIOS ex Sapiencia, Sapienciam ex OSSO-
ca. LINIANA Stirpe nasci.

ivi- An verò temporibus, in Patriam & scien-
ne- tias, Vestra definitis merita? seculis illa por-
in rigitis, non mediocre sæculorum pretium.
as! Excitastis Athenas Bidgostia, sed exclusistis
ne- Noctes Atticas, cum augustiore sereno diem
do- accenderitis ingeniis, *ILLUSTRISSIMI* Regni
ero Soles. Iecistis felicius quàm Deucalion &
nat Pyrrha, perennatura saxa, ut Polonia digni
vus erumpant homines. Iecistis auream semen-
in tem, surget hæc in pretiosam gloriæ Vestræ
I 2 mes-

fem. Quot illinc prodibunt Mercurii, tot
Asciæ Vestrae veluti formatricis panegyres.
Scient secula, quod Vestra Securis Jovis ex
aurei capite Minervam non unam produxerit.

Ingeniosus Amor etiam, Vester in superos,
quo tot haec tenus calent arae, tot Sacrae
pulcherrimum tument aedes. Praecursor ille ituri
per secula Vestri Nominis JOANNES NAVO-
GII Filius ab *ILLUSTRISSIMO* Avo suo *Sieciecho*
cum sanguine lucem & in Coelos ardorem
traxit. Iste *Sieciechorvia* Cistercium intulit, &
plenum affudit Tagum: Ille plures amplissimis
dotavit redditibus Ecclesias, dignus aris
Numa, plurimis manum supposuit liberalem,
quas vetustas acclinabat humo. Prostat Clemento-
poli Monumentum beneficæ pietatis
vestrae, quæ non potest non videri maxima,
dum suam Divus Dominicus admovit facem.
Tantâ gaza promovebat molem illam *ILLUSTRISSIMUS*
SBIGNEUS, Sandomiriæ Palatinus, ut illi manum
ultimam imponere nemo se haec tenus parè præstiterit.
Ita vel addere quidquã Vestris factis, vel grandia
cæpta complere, labor seculorum est. Sic olim pro
Apelle Imagini Palladis nemo parilem admovit
penicillum; non perfici præstabat opus, quàm
non ab Apelle compleri. Fulget inter Ignatii
flammas Bidgostia Vestra Phæbe, fulget
inter aras honorata Coelis Ascia; fulget
CELSISSIMUS GEORGIUS Dux in OSSO-
LIN Aurelius Divinior. Quid multa? tot Divino
cultui vobis Amphionibus, muri surrexere,
quot ad Religionis Vestrae sufficiunt prodigium.

digium. Præstitistis in Divos largè, quod
vellent præstare Gratiæ, dedistis abunde, quod
accepisse Divos non pudeat.

Ad Te relabitur *ILLUSTRIS* *THE-
SAURARIE* rea tot errorum panegyris; Cle-
mentissimo Judici ream sistimus, quòd Ve-
stri aciem ingenii sermone inertì offenderit.
Tam audacis studii facinus ne ad tenebras
damnetis, Vestro ingenio defendimur; adeo
sublime est, ut in ejus laudum consecratio-
ne Tullius etiam inelegans vocaretur. Quid-
quid assequi desperat lucubratio, Vota com-
pleant.

Istud *ILLUSTRIS* *THESAURARIE*
in Votis est universæ Nobilissimæ Provinciæ,
ut amplissimos Honorum gradus decurras,
dummodo, exoratus Sandomiriensis *CAPITA-
NEUS*, muneris hujus onus nunquam detre-
ctes. Ibis per sublimia: mandabit Serenissimus
Rex difficillima, labor laborem excipiet, Pur-
pureus Clavus Clavum trudet, augustior mi-
norem; neq; tamen operosissima curandæ
Reipublicæ munia Provinciam hanc à tuis
evellent curis. Hoc *ILLUSTRIS* Proavi
Tui, Palatini, Castellani Sandomirienses è cœ-
lo jubent, quorum humeris tranquillitas &
fortuna Palatinatûs diutissimè sedit; hoc A-
ra Justitiæ, quam tangis, exorat.





Biblioteka Jagiellońska



stdr0025764

